



Inatsisartunut ilaasortaq
Jens NapâtoK'
Naleraq

28-08-2025
Sags nr. 2025 - 17320
Akt. id. 25672743

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§37 naapertorlugu apeqqummut nr. 141 - 2025 suliffissarsiortunut ikiorsiissutitut tunngatillugu akissut.

Asasara Jens NapâtoK'

Apeqquteqarnernut qujanaq. Apeqqutit qulequtakkaarlugit ataani allanneqarput, malitsigisaanik akissummik imaqlutik.

1. Naalakkersuisut uppersarsarlugu ersarissarsinnaavaat Suliffissarsiortunut ikiorsiissutitut pillugit inatsisartut inatsisaanni §17 naapertorlugu manna periarfissaqareersoq 50 % angullugu appaasinnaaneq sulerusunngitsunut atorqeersinnaasoq?

- a. Taamaassimappat, eqqunngitsumik paatsuunganartumik paasisssutissiisoqarnera pinaveersaarniarlugu, Naalakkersuisup ersarissaalluni tusagassiuutitigut naqqiuteqarniarpa, Naalakkersuisummi eqqartormagu 25%-imik appaasoqartalerniarloq?

Akissut 1.

Suliffissarsiornermi ikiorsiissutitut pisartagaqartoq suliffeqarfinnit pissarsiarineqarsinnaanngikkuni, atorfinninit soraarniuteqaruni imaluunniit atorfinninit peersitaaguni killilersuiffigineqassaaq. Suliffissarsiortunut ikiorsiissutitut piffissami killilersuiffigisaasumi ikiorsiissutitut pisinnaatitaaffittut maannamut tunniunneqartartuniit 50 %-iusarput.

Innuttaasup suliffissarsiortunut ikiorsiissutitut inatsisaanni kapitel 4-imiittut, piareersimasussaataitanermut tunngasut naammassisinnaanngikkunigut, suliffissarsiortunut ikiorsiissutitut pissarsiarineqartartut annaassavai, suliffissarsiortunut ikiorsiissutitut pillugit § 18 malillugu. Suliffissarsiortunut ikiorsiissutitut annaaneqartarput pisartagaqartoq qaammatit 12-it atasut iluanni sisamariarluni killilersuiffigisaalersimaguni. Innuttaasoq sulilernissamut piareersimasutut isigineqarunnaassaaq, pineqartullu sulil pilersuinnermut aningaasaqarnikkut ikiorneqarnissani pisariaqartippagu, pisortanit ikiorsiissutitut innersuunneqassalluni.

Suliffissarsiortunut ikiorsiissutitut tunngatillugu killilersuinnermi periarfissat marluupput, pisartakkanik affaanngortitsineq, aamma ikiorsiissutitut allanut nuunneq.



Akissut 1 a.

Naalakkersuisut Suliffissarsiortunut ikiorsiissutit pillugit Inatsisartut inatsisaat nr. 7, 20. juni 2022-meersoq iluarsaanniarlugu anguniagaqarput, tak. Naalakkersuisooqatigiinnermut isumaqatigiissut 2025-meersoq. Tamatumunnga siunertaavoq sulineq tamatigut kajuminnartuussammat. Tassunga atatillugu Naalakkersuisut tusagassiuutit aqutugalugit Inatsisartut inatsisaannik iluarsaanissamut pilersaarutit tigussaasut pillugit nassuiaateqarput. Inatsisartut inatsisaannik iluarsaassineq ilaatigut ikiorsiissutit 50 %-inut appartinnerat 25-inut apparteqqullugit allanngortinneqarnissaa pineqarpoq.

Inussiarnersumik inuulluaqquusillunga

Bentiaaraq Ottosen